

O le Avea o se Soo o Iesu Keriso

TUSI LESONA SEMINARE O LE FEAGAIGA FOU

Ave lou satauro

Faitau le Luka 9:23, ma vaavaai mo mea o finagalo iai le Faaola ina ia avea ai ma Ona soo.

- O le a se mea o aoao mai e leni fuaiupu e uiga i le avea ai ma se soo moni o Iesu Keriso?

O leni fuaiupu e faatatau i le satauro faaletino na tauaveina ma puapuagatia ai Iesu Keriso ina ia faataunuu ai le finagalo o Lona Tama. E ui e le o talosagaina i tatou e tauave se satauro faaletino e pei ona sa faia e le Alii, ae ua talosagaina i tatou e mulimuli ia te Ia e ala i le faataunuuina o le finagalo o le Tama Faalelagi mo i tatou tusa lava pe faigata.

Faitau le Faaliliuga a Iosefa Samita, Mataio 16:26, ma vaavaai po o le a le uiga o le tauaveina o o tatou satauro ma mulimuli atu ia Iesu Keriso.

Na faamatala e Elder Ulisses Soares o le Korama a Aposetolo e Toasefululua le uiga o le tauaveina o o tatou satauro.



Tatou te aoao e ala i tusitusiga paia, o i latou o e mananao e tauave o latou satauro e alolofa ia Iesu Keriso i se auala latou te faafitia ai i latou lava mai mea uma e lē faaleatua ma tu'inanau faalelalogi uma ae tausi Ana poloaiga.

O lo tatou naunautaiga e lafoai ese mea uma e feteenai ma le finagalo o le Atua ma ositaulaga mea uma ua poloaiina ai i tatou e tuuina atu ma tauivi e mulimuli i Ana aoaoga o le a fesoasoani ia i tatou e tumau ai i le ala o le talalelei a Iesu Keriso—e oo lava i fetaia'iga ma faigata, vaivaiga o o tatou agaga, po o faatauanauga faaagafesootai ma filosofia faalelalogi ia e tete e i Ana aoaoga. (Ulisses Soares, “Ave Lo Tatou Satauro,” *Ensign* po o le *Liahona*, Nov. 2019, 113–14)

- Aisea e manaomia ai ona e faafitia oe lava mai soo se tosinaga e le faaleatua po o tuinanau faalelalogi i lou olaga?
- O a ni auala e mafai ai e le faafitia o oe lava mai le le faaleatua po o tuinanau faalelalogi ona faapei o le amoina o se satauro?
- O le a sou manatu e mafai faapefea e le “aveina o lou satauro” ona fesoasoani ia te oe e avea ai o se soo moni o Iesu Keriso?

Faamaumau lou ola ina ia faasaoina ai

Faitau le Luka 9:24–25, ma vaavaai mo mea na aoao atu e le Alii e uiga i le avea ai ma Ona soo.

- O a mea ua aoao mai e nei fuaiupu e uiga i le avea ai o se soo moni o Iesu Keriso?
- O a ni auala e te manatu o le a iu i ai tagata e taulai atu i o latou lava loto ma manaoga manatu faapito ma “maumau” ai o latou ola?
- O le a sou manatu po o le a le uiga o le a e faasaoina lou ola pe a faamaumauina ona o Iesu Keriso?

Sa faamalamalama mai e Peresitene Thomas S. Monson (1927–2018) le uiga o le faamaumau o o tatou ola mo Iesu Keriso.



O i latou o e ola mo na o i latou lava e iu ina magumagu ma maumau ai lo latou ola, a o i latou o e faaalu o latou lava ola e auauna atu ai i isi, e ola ma lauusi—ma iu ina faasaoina ai o latou ola. (Thomas S. Monson, “What Have I Done for Someone Today?” *Ensign* po o le *Liahona*, Nov. 2009, 85)

- O ai e te iloaina na filifili e faamaumau lona ola mo Iesu Keriso? O le a le aafiaga o lena faaiuga i lena tagata?
- O a ni auala ua faamanuiaina ai oe ona sa soifua ai Iesu Keriso i aoaoga o loo i nei fuaiupu?

O LE EKALLESIA A
IESU KERISO
O LE AU PAIA O ASO
E GATA AI

Faatoilalo mea faataumaoui ma 'alofaga

Faitau le Luka 9:57–62, ma vaavaai mo mea na mananao nisi o tagata faapitoa e fai a o lei mulimuli i le Faaola.

- O a mea ua aoao mai e nei fuaiupu e uiga i le avea ai o se soo moni o Iesu Keriso?

E lei fetalai mai Iesu Keriso e sese le faanoanoa i le maliu o se tasi e pele po o le faatofa atu i uo ma aiga. Peitai, sa Ia aoaoina i latou i se lesona taua e uiga i le tau o le avea ai ma soo.

Sa faamatala e Peresitene Howard W. Hunter (1907–1995) le talafaatusa o le suotosina i le Luka 9:62.



Ina ia eliina se autu [po o se alavai], e manaomia e le eli autu ona tulimatai lana vaai i se faailoga mautu i ona luma. O lena o

le a tumau ai o ia i se ala tonu. Peitai, afai e toe tilotilo i tua e vaai pe o fea lea sa i ai o ia, ona faateleina lea o avanoa e sese ese ai. O taunuuga o ni autu e pi'opi'o ma le tutusa. . . . Afai e le taulai atu lo tatou malosi i o tatou tua ae o luma atu o i tatou—i le ola faavavau ma le olioli o le faaolataga—e mautinoa lava lo tatou ausiaina. (Howard W. Hunter, “Am I a ‘Living’ Member?” *Ensign*, Me 1987, 17)

- O a ni mafuaaga masani e ono tuuina mai e tagata i aso nei mo le filifili ai e le mulimuli i le Alii?
- E mafai faapefea ona tumau lou taulai atu i mea ua poloaiina ai oe e le Faaola e fai i le taimi nei ma i lou lumanai?